



basic education

Department:
Basic Education
REPUBLIC OF SOUTH AFRICA

**NASIONALE
SENIOR SERTIFIKAAT**

GRAAD 12

GESKIEDENIS V1

NOVEMBER 2017

PUNTE: 150

TYD: 3 uur

Hierdie vraestel bestaan uit 9 bladsye en 'n addendum van 14 bladsye.

INSTRUKSIES EN INLIGTING

1. Hierdie vraestel bestaan uit AFDELING A en AFDELING B wat op die voorgeskrewe inhoudsraamwerk in die KABV-dokument gebaseer is.

AFDELING A: BRONGEBASEERDE VRAE

VRAAG 1: DIE KOUE OORLOG: INSLUITING EN WAAGMANSKAP:
DIE KUBAANSE MISSIELKRISIS

VRAAG 2: ONAFHANKLIKE AFRIKA: GEVALLESTUDIE – ANGOLA

VRAAG 3: BURGERLIKE PROTES VANAF DIE 1950's TOT DIE 1970's:
DIE SWARTMAGBEWEGING

AFDELING B: OPSTELVRAE

VRAAG 4: GEVALLESTUDIE – CHINA

VRAAG 5: ONAFHANKLIKE AFRIKA: VERGELYKENDE GEVALLESTUDIE –
DIE KONGO EN TANZANIË

VRAAG 6: BURGERLIKE PROTES VANAF DIE 1950's TOT DIE 1970's:
DIE BURGERREGTEBEWEGING

2. AFDELING A bestaan uit DRIE brongebaseerde vrae. Bronmateriaal wat nodig is om hierdie vrae te beantwoord, kan in die ADDENDUM gevind word.
3. AFDELING B bestaan uit DRIE opstelvrae.
4. Beantwoord DRIE vrae soos volg:
 - 4.1 Ten minste EEN moet 'n brongebaseerde vraag wees en ten minste EEN moet 'n opstelvraag wees.
 - 4.2 Die DERDE vraag kan óf 'n brongebaseerde vraag óf 'n opstelvraag wees.
5. Jy word aangeraai om ten minste EEN uur per vraag te bestee.
6. In die beantwoording van die vrae moet jy jou kennis, vaardighede en insig toepas.
7. Jy sal benadeel word deur die blote oorskryf van die bronne as antwoorde.
8. Nommer die antwoorde korrek volgens die nommeringstelsel wat in hierdie vraestel gebruik word.
9. Skryf netjies en leesbaar.

AFDELING A: BRONGEBASEERDE VRAE

Beantwoord ten minste EEN vraag, maar nie meer as TWEE vrae nie, in hierdie afdeling. Bronmateriaal wat benodig word om hierdie vrae te beantwoord, kan in die ADDENDUM gevind word.

VRAAG 1: HOE HET DIE ONTPLOOIING VAN SOWJETMISSIELE IN KUBA KOUE OORLOG-SPANNING TUSSEN DIE VERENIGDE STATE VAN AMERIKA EN DIE SOWJETUNIE VERHOOG?

Bestudeer Bron 1A, 1B, 1C en 1D en beantwoord die vrae wat volg.

- 1.1 Gebruik Bron 1A.
- 1.1.1 Haal TWEE maniere uit die bron aan wat die Amerikaanse regering gebruik het om van Fidel Castro en sy ondersteuners ontslae te raak. (2 x 1) (2)
- 1.1.2 Waarom, volgens die inligting in die bron, het Castro bystand van die Sowjetunie verlang? (1 x 2) (2)
- 1.1.3 In die konteks van die Sowjetunie se bystand aan Kuba, verduidelik wat Khrushchev met dié stelling: 'maar uiteindelik het Fidel met my saamgestem' geïmpliseer het. (2 x 2) (4)
- 1.1.4 Lewer kommentaar op waarom jy dink Castro vir Khrushchev gevra het om 'alles openbaar te maak' ten opsigte van die aflewering van missiele in Kuba. (2 x 2) (4)
- 1.2 Raadpleeg Bron 1B.
- 1.2.1 Watter boodskappe dra die lugfoto oor? Gebruik die visuele leidrade in die foto om jou antwoord te ondersteun. (2 x 2) (4)
- 1.2.2 Verduidelik tot watter mate 'n historikus die inligting in hierdie bron bruikbaar sou vind in navorsing oor die ontplooiing van missiele in Kuba. (2 x 2) (4)
- 1.3 Lees Bron 1C.
- 1.3.1 Volgens Kennedy, wie het hy verdedig nadat missielterreine in Kuba ontdek is? (2 x 1) (2)
- 1.3.2 Verduidelik die konsep *blokkade* in die konteks van die ontplooiing van missiele in Kuba. (1 x 2) (2)
- 1.3.3 Noem enige TWEE stappe wat Kennedy beweer het hy sou doen na die ontdekking van Sowjetmissiele in Kuba. (2 x 1) (2)
- 1.3.4 Gebruik die inligting in die bron en jou eie kennis en lewer kommentaar op waarom Kennedy besluit het om op 22 Oktober 1962 die Amerikaanse publiek toe te spreek. (2 x 2) (4)

- 1.4 Verwys na Bron 1B en 1C. Verduidelik hoe die bewyse in Bron 1B die inligting in Bron 1C ten opsigte van die ontplooiing van Sowjetmissiele in Kuba ondersteun. (2 x 2) (4)
- 1.5 Raadpleeg Bron 1D.
- 1.5.1 Wat, volgens die bron, was die Sowjetunie se bedoeling met sy hulp aan Kuba? (2 x 1) (2)
- 1.5.2 Verduidelik waarom jy dink Khrushchev besluit het om missiele in Kuba te ontplooi. (2 x 2) (4)
- 1.5.3 Identifiseer enige TWEE beloftes in die bron wat die Sowjetregering ten opsigte van Turkye gemaak het. (2 x 1) (2)
- 1.6 Gebruik die inligting in die relevante bronne en jou eie kennis en skryf 'n paragraaf van ongeveer AGT reëls (ongeveer 80 woorde) waarin jy verduidelik hoe die ontplooiing van Sowjetmissiele in Kuba Koue Oorlogspanning tussen die Verenigde State van Amerika en die Sowjetunie verhoog het. (8)
[50]

VRAAG 2: WAAROM HET KUBA IN 1975 BY DIE ANGOLESE BURGEROORLOG BETROKKE GERAAK?

Bestudeer Bron 2A, 2B, 2C en 2D en beantwoord die vrae wat volg.

2.1 Verwys na Bron 2A.

- 2.1.1 Verduidelik die konsep *koalisieregering* in die konteks van die 1975 Alvor Ooreenkoms. (1 x 2) (2)
- 2.1.2 Watter bewyse in die bron dui daarop dat die Alvor Ooreenkoms sterk ondersteuning vanaf ander Afrikalande gehad het? (1 x 2) (2)
- 2.1.3 Gebruik die inligting in die bron en jou eie kennis en verduidelik waarom die Angolese Burgeroorlog 'n verlenging van die Koue Oorlog' geword het. (2 x 2) (4)

2.2 Bestudeer Bron 2B.

- 2.2.1 Wat, volgens Agostinho Neto, het die Popular Movement for the Liberation of Angola (MPLA) gemotiveer om bystand van Kuba te versoek? (1 x 2) (2)
- 2.2.2 Noem TWEE vorme van bystand wat die MPLA by die Kubaanse regering versoek het. (2 x 1) (2)
- 2.2.3 Volgens die inligting in die bron, watter tipe politieke ideologie het Kuba na 1959 aangeneem? (1 x 2) (2)
- 2.2.4 Lewer kommentaar op waarom jy die inligting in hierdie bron as bruikbaar sou beskou wanneer Kuba se betrokkenheid by die Angolese Burgeroorlog nagevors word. (2 x 2) (4)

2.3 Lees Bron 2C.

- 2.3.1 Haal TWEE items uit die bron aan wat Kuba op 5 November 1975 aan die MPLA gestuur het. (2 x 1) (2)
- 2.3.2 Waarom, volgens Fidel Castro, het die MPLA Kuba se bystand versoek? (1 x 2) (2)
- 2.3.3 Gebruik die inligting in die bron en jou eie kennis en verduidelik hoe Castro sy verhouding met die Sowjetunie en die MPLA beskou het. (2 x 2) (4)
- 2.3.4 Lewer kommentaar op waarom jy dink Castro 'n negatiewe opinie van President Ford en Kissinger oor Kuba se rol in Angola gehad het. (2 x 2) (4)

- 2.4 Raadpleeg Bron 2D.
- 2.4.1 Watter boodskappe dra die spotprent oor? Gebruik die visuele leidrade in die bron om jou antwoord te ondersteun. (2 x 2) (4)
- 2.4.2 Lewer kommentaar op die betekenis van die hamer en sekel in die bron. (2 x 2) (4)
- 2.5 Verwys na Bron 2C en 2D. Verduidelik hoe die inligting in Bron 2C verskil van die bewyse in Bron 2D ten opsigte van die rol wat die Sowjetunie en Kuba in Angola gespeel het. (2 x 2) (4)
- 2.6 Gebruik die inligting in die relevante bronne en jou eie kennis en skryf 'n paragraaf van ongeveer AGT reëls (ongeveer 80 woorde) waarin jy verduidelik waarom Kuba in 1975 by die Angolese Burgeroorlog betrokke geraak het. (8)
- [50]**

VRAAG 3: HOE HET DIE SWARTMAGBEWEGING IN DIE 1960's SWART AMERIKANERS GEMOBILISEER?

Bestudeer Bron 3A, 3B, 3C en 3D en beantwoord die vrae wat volg.

3.1 Verwys na Bron 3A.

- 3.1.1 Definieer die konsep *Swart Mag* in jou eie woorde. (1 x 2) (2)
- 3.1.2 Waarom, volgens die bron, het Stokely Carmichael die ideologie van Swart Mag bevorder? (2 x 1) (2)
- 3.1.3 Gee TWEE bewyse in die bron wat aandui dat die Swartmagbeweging krities oor die Burgerregtebeweging was. (2 x 1) (2)
- 3.1.4 Gebruik die inligting in die bron en jou eie kennis en verduidelik waarom die Swartmagbeweging in die 1960's die integrasie van die Amerikaanse samelewing verwerp het. (2 x 2) (4)

3.2 Bestudeer Bron 3B.

- 3.2.1 Wat, volgens die inligting in die bron, was die DRIE uitdagings wat swart Amerikaners in die gesig gestaar het? (3 x 1) (3)
- 3.2.2 Lewer kommentaar op waarom jy dink Malcolm X die regering van die Verenigde State gekritiseer het. (2 x 2) (4)
- 3.2.3 Waarom, dink jy, is selfhelpprogramme in die 1960's onder swart Amerikaners bevorder? (2 x 2) (4)
- 3.2.4 Gebruik die inligting in die bron en jou eie kennis en verduidelik waarom 'n historikus hierdie bron bruikbaar sou vind wanneer die Swartmagbeweging nagevors word. (2 x 2) (4)

3.3 Raadpleeg Bron 3C.

- 3.3.1 Watter boodskappe word in hierdie foto oorgedra? Gebruik die visuele leidrade in die foto om jou antwoord te ondersteun. (2 x 2) (4)
- 3.3.2 Lewer kommentaar op die rol wat jy dink die *Black Panther*-koerant in die swart Amerikaanse gemeenskap gespeel het. (2 x 2) (4)

3.4 Verwys na Bron 3A en 3C. Verduidelik hoe die bewyse in Bron 3A die inligting in Bron 3C ondersteun oor die invloed wat die Swartmagfilosofie op die swart Amerikaanse gemeenskappe gehad het. (2 x 2) (4)

- 3.5 Lees Bron 3D.
- 3.5.1 Hoe, volgens die bron, het federale agente die Black Panther-party onderdruk? (1 x 2) (2)
- 3.5.2 Lewer kommentaar op waarom dit vir die 'FBI' (Federale Speurdiens) nodig was om die Black Panther-party van gematigde swart en wit Amerikaanse gemeenskappe te isoleer. (1 x 2) (2)
- 3.5.3 Identifiseer EEN metode wat die 'FBI' gebruik het om verdeeldheid onder lede van die Black Panther-party te bewerkstellig. (1 x 1) (1)
- 3.6 Gebruik die inligting in die relevante bronne en jou eie kennis en skryf 'n paragraaf van ongeveer AGT reëls (ongeveer 80 woorde) waarin jy verduidelik hoe die Swartmagbeweging in die 1960's swart Amerikaners gemobiliseer het. (8) **[50]**

AFDELING B: OPSTELVRAE

Beantwoord ten minste EEN vraag, maar nie meer as TWEE vrae nie, in hierdie afdeling.

Jou opstel moet ongeveer DRIE bladsye lank wees.

VRAAG 4: GEVALLESTUDIE – CHINA

Die implementering van Mao Zedong se beleidsrigtings, die Groot Sprong Vorentoe en die Kulturele Rewolusie, was 'n klaaglike mislukking.

Stem jy met hierdie stelling saam? Gebruik relevante bewyse van 1958 tot 1969 om jou argument te ondersteun.

[50]**VRAAG 5: ONAFHANKLIKE AFRIKA: VERGELYKENDE GEVALLESTUDIE – DIE KONGO EN TANZANIË**

Bespreek krities hoe Mobutu Sese Seko (die Kongo) en Julius Nyerere (Tanzanië) na die verkryging van onafhanklikheid in die 1960's ekonomiese, maatskaplike en kulturele ontwikkelinge in hulle onderskeie lande bevorder het.

Ondersteun jou argument met relevante bewyse.

[50]**VRAAG 6: BURGERLIKE PROTES VANAF DIE 1950's TOT DIE 1970's: DIE BURGERREGTEBEWEGING**

Verduidelik tot watter mate die verskillende vorme van protes deur die burgerregte-aktiviste suksesvol was om te verseker dat alle Amerikaners, ongeag ras, in die Verenigde State van Amerika in die 1960's gelyk behandel is.

Ondersteun jou argument met relevante bewyse.

[50]**TOTAAL: 150**